

Rasmiy ish hujjatlari tahlili

Tayyorladi: O'zbek tili
kafedrsi katta o'qituvchisi,
f.f.n. Mahsumova S. S.



Rasmiy uslub

Rasmiy uslub rasmiy ish qog'ozlari – hujjatlarni yuritish yo'llarini o'rgatuvchi nutq uslubidir. Hujjatshunoslik davlatchilik bilan bog'liq bo'lib, uning ildizi qadimgi davrlarga borib taqaladi. Har bir davlatning hujjatlari uning davlat tilida yoziladi. Hujjatlarni to'g'ri va bexato yozish insonning savodxonligi va yozma nutq madaniyati ko'rsatkichidir.

Barcha muassasa va korxonalaridagi buyruqlar, tashkiliy-ma'muriy hujjatlardan tortib hukumat tomonidan chiqariladigan qarorlar, qonunlar, nizomlar, farmon va farmoyishlar, xalqaro diplomatik hujjatlar ham rasmiy uslubda yoziladi.



Rasmiy ish qog'ozlari

1. Ariza
2. Tarjimayi hol
3. Tushuntirish xati
4. Ishonchnoma
5. Ma'lumotnoma
6. Taklifnoma
7. Tilxat
8. E'lon
9. Bildirgi
10. Tavsifnoma
11. Tavsiyanoma



Tarjimai hol tuzilishi

Men, (kim?), (qachon?) (qayerda?) tug`ildim.

Otam – (kim?)(qayerda va qachon tug`ilgan?) (kim bo`lib?) ishlaydi.

Onam -

Men (qachon?)(qaysi?) maktabga o`qishga bordim.

Maktabni (qachon?)(qanday?) bitirdim.

..... (qachon?)(qaysi?) oliy o`quv muassasiiga o`qishga kirdim.

Hozir(qaysi?) fakultetda(nechanchi?) bosqichda o`qiyapman.

Oilaviy ahvolim.....

Turar joyim.....

Sana.....

Imzo.....

Namuna

Men, Davron Mahmudovich Rasulov, 1988-yilning 22-martida O'zbekiston Respublikasining Chirchiq shahrida ishchi oilasida tug'ildim. Otam, Mahmud Abdullayevich Rasulov, Chirchiq kimyo zavodida chilangar bo'lib ishlaydi. Onam, Mavluda Mahkamovna Rasulova uy bekasi. Opam, Muhabbat Rasulova maktabda o'qituvchi bo'lib ishlaydi. Ukam, Bahodir Rasulov 5-sinf o'quvchisi. 1994-yil men Chirchiq shahridagi 10-o'rta maktabga o'qishga bordim. Maktabda tahririyat a'zosi edim. Devoriy gazetalarni chiqarishda muntazam ishtirok etardim. 2005-yilda o'rta maktabni bitirib, Toshkent traktor zavodiga elektrik yordamchisi sifatida ishga kirdim. 2006-yil Qurolli Kuchlar safiga xizmatga chaqirildim. Xizmatdan so'ng 2007- yil Toshkent davlat jahon tillari universitetiga o'qishga kirdim. Uylanganman, bir o'g'lim bor. Rafiqam Habiba Rasulova 14-bolalar bog'chasida tarbiyachi bo'lib ishlaydi. O'g'lim Farhod bolalar bog'chasiga qatnaydi.

2014.10.05. (imzo)

D.M. Rasulov

Tarjimai holdagi xato va kamchiliklarga e'tibor bering.

Men, Yo'ldoshev Qodir Islomovich, 1986-yilning 6-mayida Toshkent viloyati Bo'stonliq tumani Humson qishlog'ida dehqon oilasida tug'ildim. 2009-yili ushbu qishloqning o'rta maktabini a'lo baholar bilan tugatdim. Maktab "Kamolot" yoshlar ijtimoiy 9 harakatining a'zosi edim. Maktabni bitirganimdan so'ng Toshkent ekskavator davomida men har xil jamoat topshiriqlarini bajarar edim, jumladan: sardor, zavodiga ishga kirdim. Hozirgi davrda Texnika universitetida tahsil olayapman. Oilamiz besh kishidan iborat. Otam –dehqon, onam – nafaqador. Katta akam Akram – aspirant. Akam Halim Yangi yo'l oziq-ovqat kasb-xunar kollejini bitirgan.

12 oktabr

Yo'ldoshev Q.I.

Quyidagi so'zlarni eslab qoling

Tug'ilmoq –родиться, ishchi oilasida –в семье рабочего, kimyo zavodi – химический завод, chilangar bo'lib ishlamoq – работать слесарем, o'qituvchi bo'lib ishlamoq – работать учителем, uy bekasi – домохозяйка, o'rta maktab – средняя школа, o'qishga kirmoq – поступить учиться, devoriy gazeta – стенная газета, tahririyat a'zosi – член редколлегии, maktabni tugatmoq – окончить школу, ishga kirmoq – поступить на работу, elektrik yordamchisi sifatida – в качестве помощника электрика, harbiy xizmatga chaqirilgan – призван на военную службу, harbiy xizmatdan qaytgan – вернувшийся с военной службы, avvalgi ish joyi – прежнее место работы, uylangan – женат, rafiqa – жена, bolalar bog'chasi – детский сад, tarbiyachi bo'lib ishlamoq – работать воспитательницей, bog'chaga qatnamoq – посещать детский сад.

Ariza

- *Ariza* – muayyan tashkilotga yoki biror shaxs nomiga iltimos, taklif yoki shikoyat mazmunida yoziladigan rasmiy hujjatdir. Eng keng tarqalgan va ko'p ishlatiladigan ish qog'ozi bo'lib, barcha idoralarga yozilishi mumkin.



Namuna

O'zbekiston davlat jahon tillari universiteti
rektori Sh.Sh. Qayumovga
Sardorbek To'rayevdan

ARIZA

Menga O'zbekiston davlat jahon tillari universitetiga kirish uchun tanlov imtihonlarida qatnashishga ruxsat berishingizni so'rayman.

Arizaga quyidagi hujjatlarimni ilova qilaman:

1. Akademik litseyni bitirganligim to'g'risida guvohnoma.
2. Tug'ilganligim haqidagi guvohnomaning ko'chirilgan nusxasi.
3. Sog'lig'im haqida ma'lumotnoma.
4. Tavsifnoma.

sana

(imzo)

Ariza tuzishda ishlatiladigan birikmalarni eslab qoling.

yordam berishingizni soʻrayman –прошу оказать помощь,

–прошу помочь, прошу дать,

–прошу предоставить

ruhsat berishingizni soʻrayman –прошу разрешить

ruhsat bering –разрешите

kiritishingizni soʻrayman –прошу включить

qabul qilishingizni soʻrayman –прошу принять

koʻchirishingizni soʻrayman –прошу перенести

oʻtkazishingizni soʻrayman –прошу перевести

ozod qilishingizni soʻrayman –прошу освободить

ajratishingizni soʻrayman –прошу выделить

tufayli, sababli, uchun, munosabati bilan – поэтому, так как, из - за, в

СВЯЗИ С

chunki –потому что

Tushuntirish xati

- *Tushuntirish xati* o'z burchi, xizmat vazifasini o'tashda yo'l qo'yilgan ayrim noaniqliklarni, xizmat intizomining buzilishi sababini izohlash uchun yoziladigan ish qog'ozi bo'lib, u arizaga o'xshash shaklda yoziladi. Unda *binoan, asosan, muvofiq* ko'makchilari jo'nalish kelishigi qo'shimchasi bilan keladi va asosan rasmiy uslubda ishlatiladi.

Namuna

O'zbekiston davlat jahon tillari
universiteti qoshidagi I-akademik
litsey direktori J.Xasanovga
2-bosqich talabasi
Shohista G'aniyevadan

TUSHUNTIRISH XATI

Men 2014-yilning 4-aprelidan 20-apreligacha bo'lgan davrda onamning qattiq betobligi tufayli 38 soat mashg'ulotga qatnasha olmadim.

Ilova: Onamning kasalligi haqidagi shifokor ma'lumotnomasi.

10.05.2014

(imzo)

Quyidagi tushuntirish xatining to'g'ri yoki noto'g'ri yozilganini aniqlang.

TUSHUNTIRISH XATI

Men, Ernazarov 4 may 2010 y. darslarga qatnashmadim. Sababi kasal edim. Shifokordan olingan hujjatni ilova qilishim mumkin

TUSHUNTIRISH XATI

Qattiq kasal bo'ldim. Shuning uchun men imtihonlarni topshira olmadim. Bu o'zbek tili va tarix.

Sh. Rahmatov

2015.14.02

Ishonchnoma

- ***Ishonchnoma*** muassasa va shaxslarning o'z nomidan ish ko'rish uchun ikkinchi bir shaxsga vakolat beradigan yozma hujjat. Ishonchnoma 2 xil bo'ladi: rasmiy ishonchnoma va shaxsiy ishonchnoma. Rasmiy ishonchnoma biron-bir idora, muassasa nomidan belgilangan qoidalar asosida yoziladi. Shaxsiy ishonchnoma esa ayrim shaxslar nomidan erkin yoziladi.

Namuna

ISHONCHNOMA

Men, O'ZDJTU rus filologiyasi fakultetining I bosqich talabasi G'aniyeva Dilfuza noyabr oyi uchun stipendiyamni olishga ukam G'aniyev Shohruhga ishonch bildiraman.

(Pasport ma'lumotlari:)

2014.11.18
(G'aniyeva D.)

(imzo)

Quyidagi soʻz birikmalarini eslab qoling.

Olish uchun ishonch bildiraman – доверяю получить, boshqarishga ishonch bildiraman – доверяю управлять, oʻquv-uslubiy adabiyoti – учебно-методическая литература, joʻnatma-posылка, qiymatdor posilka (banderol) – ценная посылка (бандероль), pul joʻnatmasi – денежный перевод, shahodatnoma – аттестат, buyurtma xati – заказное письмо, yumaloq muhr – круглая печать, yuk – груз, taʼminot boʻlimi boshligʻi – начальник отдела снабжения, muassasa – учреждение, hisob raqami boʻyicha olish – получить по счету, muassasa va maktab uchun ajratilgan – выделенные для школы и учреждения, davlat raqami – государственный номер

Nuqtalar o'rniga familiya, manzil, hujjat haqidagi ma'lumotlarni yozing.

1. Men yon qo'shnim, ... , 7-aloqa bo'limidan mening nomimga kelgan pochta jo'natmasini olish uchun ishonch bildiraman.
2. Men turmush o'rtog'im, ... , madaniyat saroyi kassasidan mening maoshimni olishga ishonch bildiraman.
3. Men I kurs talabasi do'stim, ... institut kassasidan menga tegishli mart oyining stipendiyasini olish uchun ishonch bildiraman.

Tilxat

TILXAT

Men, Navoiy nomidagi jamoa xo'jaligi brigada boshlig'i Karim Salimovich Rahimov, jamoa xo'jaligi kassiri Dilbar Salimovadan brigada a'zolarining iyun oyiga tegishli 164500 (bir yuz oltmish to'rt ming besh yuz) so'm miqdoridagi ish haqini tarqatish uchun oldim.

2014.05.07.

(imzo)

K.S.Rahimov

Quyidagi soʻz birikmalarini eslab qoling.

Sport buyumi – спортивный инвентарь, xoʻjalik buyumi – хозяйственный инвентарь, chipta sotib olish uchun pul – деньги на покупку билетов, xodimlar maoshi – зарплата сотрудников, umumiy miqdorda – на общую сумму, umumiy narxi – общая стоимость, ombor mudiri – заведующий складом, tanishish uchun – для ознакомления, olish uchun – для приобретения, vaqtincha foydalanish uchun – на временное пользование, bayram otkritkalari va plakatlar – праздничные открытки и плакаты, qurilish tresti – строительный трест, tayyor buyumlar – готовые изделия, xoʻjalik qismi – хозяйственная часть, muassasa – учреждение, kasaba tashkiloti – профсоюзная организация, shanbalik – субботник, almashtirish tarmogʻi – обменный пункт.

Tilxatning yozilishidagi va mazmunidagi xatolarni toping va tuzating.

4-magazin direktori
Ibrohimovga
sport seksiyasi raisi
R.Qurbonovdan

TILXAT

Tilxat berdim Ibrohimovga shul haqidakim, men har xil sport buyumlarini oldim: shaxmatlar, voleybol to'plari, futbol to'plari ... Hammasi uchun 395 000 so'm to'ladim.

Qurbonov

Bildirgi

- *Bildirgi* yoki *bildirishnoma* xabar berish to`g`risida yoziladigan rasmiy ish qog`ozi bo`lib, eng qadimiy hujjat namunalaridan biridir. XI asrda yashagan turkiyshunos olim Mahmud Qoshg`ariyning «Devonu lug`otit turk» asarida mazkur hujjat «Bildirgi» nomi bilan qayd qilib o`tilgan. Ushbu ish qog'ozi shaxs tomonidan o'z ish majburiyatining bajarilganligini bildirish, ma'lum qilish maqsadida yoziladi. Shuning uchun unda albatta *bildiraman, ma'lum qilaman* so'zlari qo'llanishi kerak bo'ladi.

Namuna

O'zbekiston davlat jahon tillari universiteti
rektori Sh.Sh. Qayumovga
O'zbek tili kafedrası
o'qituvchisi Sh. Zoitovadan

Bildirgi

Sizga shuni ma'lum qilamanki, men 2014-yil 26-avgustda navbatdagi mehnat ta'tilidan qaytib, o'z xizmat vazifamni bajarishga kirishdim.

2014-yil 26-avgust

(imzo)

Quyidagi vaziyatlarga asoslanib kerakli hujjatlarni yozing.

Agar siz:

- 1) imtihonlarni muddatidan avval topshirmoqchi bo'lsangiz;**
- 2) ishga kirishganligingizni ma'lum qilsangiz;**
- 3) hasharga kelmadingiz, chunki siz betob edingiz.;**
- 4) bir necha kunga semestr mobaynida uyga ketmoqchi bo'lsangiz;**
- 5) siz 10 kun ichida 20 soat amaliy va 10 soat ma'ruza mashg'ulotlarini qoldirdingiz, chunki kasal bo'lib qoldingiz.**
- 6) kassadan 3450000 so'm miqdoridagi stipendiyani tarqatish uchun olsangiz;**
- 7) 3-paradagi tarix darsi bo'lmaganligini ma'lum qilsangiz;**
- 8) boshqa lavozimga o'tkazishlarini so'rasangiz;**
- 9) akademik ta'til berishlarini so'rasangiz;**
- 10) 2015-yil 12-aprel kuni yo'nalishda avtobus bo'lmaganligi uchun siz ishga kech qoldingiz.**
- 11) moddiy yordam ko'rsatishlarini istasangiz;**
- 12) mart oyining stipendiyasini olish uchun ishonch bildirsangiz**

Adabiyotlar

1. Muxitdinova X., Z.Salisheva, X.Po'latova. O'zbek tili (oliy o'quv yurtlarining rusiyzabon guruhlari uchun darslik). - Toshkent, "O'qituvchi". -2006.
2. Po'latov A., Mo'minova T., Po'latova I. Dunyoviy o'zbek tili. - Toshkent, O'zMU. -2003.
3. Rasulov R., Usmonova M., Mirazizov A. O'zbek tili. - Toshkent, TDPU. - .
4. Qahhorova H., Muhamedova S. O'zbek tili (oliy o'quv yurtlarining rus guruhlari uchun darslik). - Toshkent, O'zMU. - 2004
5. Mahmudov N., Aminov M., Madvaliyev A., Mahkamov N., O'zbek tilida ish yuritish. - Toshkent, O'zE. - 2001.
6. Ahmedova G., Karimjonova V. O'zbek tili (oliy o'quv yurtlari, kollej va akademik litsey rus guruhlari uchun). - Toshkent, «Ijod dunyosi». - 2001.
7. Rasulov R., Usmonova M., Mirazizov A. O'zbek tili. TDPU. -2004..
8. Muxitdinova X., Ikromova N. O'qituvchi kitobi (uslubiy qo'llanma). - Toshkent, «Ilm-Ziyo». - 2005.

Internet ma'lumotlari:

1. www.tdpu.uz
2. www.pedagog.uz
3. www.Ziyonet.uz
4. www.edu.uz

E'tiboringiz uchun rahmat.

